



ČESTITKA POVODOM 5. OKTOBRA –SVJETSKOG DANA NASTAVNIKA

Povodom obilježavanja 05. oktobra – Svjetskog dana nastavnika, Ministarstvo za obrazovanje, nauku i mlade svim uposlenicima u odgojno-obrazovnim ustanovama čestita ovaj važni praznik, uz želje za unapređenje cjelokupnog stanja u oblasti obrazovanja, što podrazumijeva kvalitet u realiziranju nastavnog procesa, materijalni status uposlenika i položaj u društvu koji pripada nastavnicima, cijeneći kakav odgovoran posao obavljaju.

U vremenu u kojem se još uvijek, nažalost, u milionima izražava broj nepismenih ljudi u svijetu, važnost nastavničkog poziva treba biti daleko više izražena, nego što je to trenutno slučaj.

Obavljajući ovaj iznimno odgovoran, težak, ali istovremeno i najljepši posao, nastavnici se suočavaju sa velikim poteškoćama u svom radu koje su, prvenstveno, uzrokovane teškom i nezavidnom materijalnom situacijom.

Sve to ima za posljedicu nedovoljnu opremljenost školskih prostora, nedostatak osnovnih sredstava za rad, ali i niske plate nastavnog osoblja, čega je u potpunosti svjesno i ovo ministarstvo.

S tim u vezi, jedno od strateških opredjeljenja Ministarstva je upravo borba za unapređenje cjelokupnog stanja u oblasti obrazovanja, koja će omogućiti uspješno obavljanje jedne od najvažnijih zadaća koje postoje, a to je kvalitetan odgoj i obrazovanje mladih ljudi.

Očekujemo da će sindikane podružnice u svakoj školi na prikladan način obilježiti 05. oktobar.

